

in axi foliorum supremorum oriuntur palmares-spithamei, simplices, monocephali, vel in axi folii parvi lanceolati subdecurrentis vel squamulae iis pedicelli similis, ramulum edentes monocephalum. **PEDICELLI** superne clavato-incrassati, sine capitulis 2-5 pl. vero 3-4 poll. longi, squamis muniti pl. n. 5 ovato-lanceolatis, 2 lin. longis, inferne 1 lin. latis, basi cordato-auriculato-cochleatis, herbaceis, patentibus, acutis v. acuminatis, sensim in involucri squamas inferiores abeuntibus. **CAPITULUM** multiflorum, semper erectum. **INVOLUCRUM** glabrum, 7-8 lin. altum, in statu compresso 9 lin. latum, hemisphaerico-campanulatum, imbricatum, squamis inferioribus laxis, reliquis accumbentibus, omnibus post aetatis maturitatem patentibus reflexis, internis n. 13 lineari-lanceolatis, 7 lin. longis, inferne 2 lin. latis, obtusis, margine vix scariosis, externis totidem vel pluribus, duplo-quintuplo brevioribus, ovato-lanceolatis, infimis basi subcordato-auriculatis, brevis mucronato-acutis, dorsi apice tubere munitis (corniculatis uti plures *Taraxaci* species), praecipue formae 3 et 4, concoloribus viridibus vel pallentibus apice virentibus, herbaceis, margine vix scariosis. **RECEPTACULUM** 5 lin. diametro metiens, nudum. **FLORES** aurei, involucri dimidia parte superantes, 7-8 lin. longi. **TUBUS** 2 1/2 lin. longus, superne et praecipue ad os pilis simplicibus articulatis, patentibus munitus. **LIGULA** 5-4 lin. lata, apice dentibus 5 linearibus munita. **ANTHERAE** fere 1 lin. longae. **STYLI** rami exserti, brevis hirti. **ACHAENIA** 1 lin. paulo superantia, superne 1/3 lin. diametro metientia, ovato-cylindracea, utrinque praecipue inferne paulo attenuata, 5-costata, costis planis, sulcis angustis separatis, rugis transversalibus paulo prominentibus parce exasperata, externa obscure brunnea recta, reliqua dilute alutacea paulo longiora, + — incurva. **PAPPUS** 4 lin. longus, niveus, caducissimus, pluriserialis, setis numerosissimis, inaequalibus, paucis aliis crassioribus, plerisque tenuissimis, omnibus margine distanter dentibus arrecto-patientibus munitis et basi in anulum concretis more *Cirsii* specierum.

SUBTR. VI. CREPIDAE. C. H. Schultz Bipont. Scelet. syst. artic. Cichoriac., p. 5.

Achaenia saltem disci teretia, saepius rostrata, rostro robusto, fili-v. piliformi. Pappus pl. niveus, flexilis, pilosus, persistens v. singulis radiis caducis, disco epigyno parvo insidens.

CREPIS. LINN. — C. H. Schultz Bip. Emend.

CAPITULUM multiflorum. **INVOLUCRUM** subimbricatum. **RECEPTACULUM** epaleatum, areolatum nudum, vel alveolatum, villosum. **ACHAENIA** conformia articulate cum receptaculo juncta, vel radialia brevis rostrata, involucri squamis immersa, persistentia, disci longe rostrata, articulate cum receptaculo juncta. **PAPPUS** persistens vel singulis radiis caducis.

HERBAE annuae, biennes vel perennes, per orbem terrarum dispersae, pleraeque europaeo-mediterraneae; foliis varie divisis pl. dentato-runci-

natis; capitulis ante anthesin erectis vel nutantibus; floribus flavis, rarius rubris.

Subgenus I. *CHLOROCREPIS*. C. H. Schultz Bip. Typus : *Crepis virens* Linn.

CAPITULUM parvum. **INVOLUCRUM** saepius pilis glanduliferis obsitum, post achæniorum maturitatem reflexum, pedunculoque adpressum. **RECEPTACULUM** nudum! **ACHÆNIA** conformia, minuta, 1 lin. vix longa, 10-costulata; **PAPPUS** caducus, radiis singulis facile secedentibus, niveis.

HERBÆ annuæ europæo-mediterranæ, ramosæ, corymbosæ pl. polycephalæ, foliis tenuibus, glabris vel cum caule pilis simplicibus munitis.

Obs. Cum tres hujus subgeneris species distinctissimæ ab auctoribus et nominatim etiam a cl. Candollio nimis sint confusæ, non alienum puto analysin earum proponere.

A. Achænia glabra, erostris, basi apiceque paulo attracta. Capitula semper erecta.

a. Involucrum albide pubescens et pl. pilis glanduliferis adpersum; squamæ involucri adpressiusculæ; folia caulina lanceolata, sagittata, inferne + — pinnatifido-lacera. Capitula longius pedicellata, non tam numerosa et stirps gracilior quam species sequens.

1. *Crepis virens* Linn.

b. Involucrum albide pubescens et pilis robustis simplicibus non glanduliferis + — adpersum; involucri squamæ inferiores demum laxæ; folia caulina lanceolata, sagittata, subintegra, denticulata nunquam basi inciso-lacera; capitula numerosa, brevius pedicellata; planta magis robusta.

2. *Crepis parviflora* Desf. Cat. H. paris., ed. 1, p. 88. — DC., Pr., 7, p. 162.

Crepis fuliginosa Un. itiner. 1827 (non Sibth et Sm.) sec. specimina a cl. Fleischer! Majo in umbrosis Smyrnæ lecta. Planta hæc orientalis in hortis botanicis abundat.

B. Achænia superne hispidula, rostrata, rostro achæniis corporis tertiam partem æquante. Capitula ante anthesin nutantia.

3. *Crepis neglecta* Linn., Mant., p. 407 et Syst. ed. Reich., 3, p. 655. — Koch! Syn., ed. 2, p. 505. — Synonymia : *Crepis spathulata* Lam., Dict., 2, p. 181? — *Crepis stricta* Scop., Carn., 2, p. 99, tab. 47. — *Crepis fuliginosa* Sibth. Sm., Pr. Fl. græc., 2, p. 158. — *Crepis cernua* Tenore! Fl. neap. prodr., p. 47.

Species hæc insuper foliis dentato-pinnatifidis, cum caulis parte inferiore hirtis et involucri pilis glanduliferis atrato distincta, regionem mediterraneam boreali-occidentalem habitat et in hortis nostris botanicis colitur etiam nomine *Crepidis corymbosæ* Tenore, quæ sec. specimina Gussoniana forma *Crepidis setosæ* Hall. f. est. — *Græcia* prope Naupliam : Berger! a Spruner!; Argolide : a Spruner!; in arvis Atticæ : Fraas!; *Istria* et insulæ vicinæ : Tommassini!; Neapoli : Gussone!

Obs. Cl. DC. stirpem nostram nomine *Cr. fuliginosæ* Sibth. Sm. enumerat et insuper cum *Cr. polymorpha* Wallr. (*Cr. virente* Linn.) confundit.

1. *CREPIS VIRENS*. LINN.

C. annua; capitulis parvis, semper erectis; achæniis conformibus, glabris, erostris, basi apiceque paulo attractis; involucri albide pubescente et pl. pilis glanduliferis munito; squamis inferioribus involucri adpressiusculis; foliis caulinis sagittatis, inferne inciso-laceris.